



江蘇省地方志編纂委員會辦公室 編

江蘇歷代方志全書


97



江蘇省地方志編纂委員會辦公室編



鳳凰出版社



江蘇歷代方志全書

97

蘇州府部

ISBN 978-7-5506-2317-0



圖書在版編目（CIP）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253.25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200.00圓(全九十九冊)
(本書凡印裝錯誤可向承印廠調換, 電話: 0514-87969255)

康熙吳江縣志續編(二)



(清) 王前
(清) 錢包
雷咸纂修

第九十七册目錄

康熙吳江縣志續編（二）	〇〇一
乾隆吳江縣志（一）	一一三

吳江縣志續編卷之七

隱逸

晉

張翰字季鷹博學善屬文詞義新麗造次立成而縱任不拘時號江東步兵齊王冏辟爲大司馬東曹掾冏時執權翰謂同郡顧榮曰天下紛紛禍難未已吾本由林間人無望於時子善以明智自防榮執其手愴然曰吾亦與子採南山蕨飲三江水耳翰見秋風起乃思吳中菰菜蓴羹鱸魚膾日人

吳江縣志卷之七

隱逸

一

續編

生貴適志何能羈宦數千里以要名爵乎作思吳

江歌遂命駕歸俄而問敗入皆稱翰先幾卒年五
十七有首丘賦及詩文數十篇

元

馬麐字公振元季避兵吳江之南所居園亭池榭
極幽閒日誦經史其中樂與賢士大夫交客至觴
詠與時泊如楊廉夫極重之稱爲忘年友所著有

醉餘草堂集

府志

明

朱良實字子誠父鳳有樸唱集良實讀書好古在
元季有文名入明已老隱約不仕以詩文自娛號
百拙老人卒年八十餘所著有松陵續集漁唱橐
大清

翁遜字仲謙居城西門外性高潔獨行一意不喜
與俗人伍爲詩淡遠多苦思兼及繪事明季亂後
西郊多吟社遜所與倡酬者自徐白戴笠而外未
嘗妄有所詣嘗踽踽獨行野外遇溪林曲徑則徘徊
吟賞至於衢市所在必紆道避之晨炊不繼意
隱逸

續編

身如鼎志者云云

泊如也鄰有好事者或斂粟周之遜義不受卒窮
餓以死

徐白字介白本嘉興人自幼來吳江性狷介不苟
取予以諸生久次當貢遭亂棄去隱靈巖之上沙
有園數畝無子女不畜僮僕手一鎌種蔬藝果据
拾自給暇則坐小樓作畫吟詩詩幽秀得晚唐風
致畫蕭疎無俗韻不爲人作自娛而已故舊相尋
掃落葉汲泉烹之清淡使人忘世三十年不出山
有竹笑菴集同時周安字安節隱居西郊之梅里

閉戶研討簞瓢屢空而詠歌自得所著有梅里集
湖山吟橐草閣集又選松陵詩乘後六卷子威亮
續

吳宗潛字東籬嚴墓人崑崙山人王叔承其外祖
也原名系與兄振蘭字九畹俱以諸生負盛名於
時申酉間棄去爲驚隱詩社集士之高蹈而能文
者已而遂以醫隱有名茗雪間康熙丙寅年已八
十餘其將易簣也忽起生曰我尚有詩債未了急
呼孫口授挽號沈介軒長歌令書之爛熳數十韻詩
之工系志卷之二

隱逸

三

續編

身之果

成瞑目而逝季弟西山亦以詩名惜早卒

顧有孝字茂倫博聞強記善談論喜結納家釣雪灘陋巷蓬門四書賓至無虛日明末吳中詩習漸染鍾譚有孝與潘陸俞南史輩揚推風雅一以唐音爲宗選唐詩英華盛行於世後來詩體爲之一變雅好汲引人有寸長必咨嗟激賞寒素多依以揚聲故雖布衣窮居而名聞海內時有徐崧字松之亦隱雪灘有臞菴集陳檢討其年序之以行與有孝同里閑云

張拱乾字九齡一字愧菴爲諸生祭酒歲乙酉南
都當事切齒東林尤恨金壇周儀部仲馭拱乾爲
金壇門下士與貴池吳應尾宜興陳貞慧桐城方
文金陵白夢鼎夢鼐同坐詔獄斥去衿服遂深自
晦匿所居有獨倚樓讀書其中故善溧陽陳相國
相國旣柄用推轂故交多富貴招致拱乾終不一
見獨聚諸弟子授經而以其暇殫精易學蕭然高
蹈不入城市固窮以老

王載字咸平邑湖浦人博學通經爲諸生領袖鼎

長工系志卷之二

隱逸

四

續編

革後閉戶潛居惟聚羣弟子講明理學時服色新
易而載獨終身褒衣博帶入望見者知爲嶽嶽懷
方而性又和易所誘掖皆成端士又有李培字上
材號休翁偕隱其里味道自得杜門謝客曰我庭
狹不足以容車騎也生平心慕陽明之學思紹其
傳寧都魏禧爲立傳以表之

沈祖孝號雪樵原名果字因生烏程人爲諸生鄉
先達慕其才訪之拒弗見暨某大拜祖孝嘆曰宵
人秉政事必債矣後如其言好遊山水隱邑之巖

墓村與吳東籬南村西山兄弟結陶社讀其作者
以爲有曠逸之致時有周篆字籀書亦隱嚴墓村
閉戶著述以高尚終

沈自晉字伯明弱冠補諸生明亡棄去隱吳山別
號鞠通生鞠通者古琴中食桐蛀有之能令絃目
和曲者也自晉善度曲故以自況云初族父詞隱
先生璟精曲學名與臨川湯顯祖若士埒若士尚
意趣而詞隱嚴法律自晉素從詞隱遊著詞謹守
家法而意新神遠文詞秀潤若士亦擊賞無間言
良工系志之七

隱逸

五

續編

一時詞家如上海范香令秀水卜大荒吾吳馮猶

龍袁令昭並推服之所著賭墅餘音越溪新詠不
殊堂傳奇三種及續詞隱九宮譜等書年八十三
卒子永隆字治佐亦工詞曲兼善詩古文有產三
百畝自取其瘠者三十餘盡以讓其庶弟宗族稱
之

藝能

五代

史維則字天問其先潁陽人五代時遷吳江工八分飛白二書薦授集賢院學士弟懷則亦工書明

馬孜字彥強善書洪武中嘗受薦不仕

盛倫字天叙性明敏少傳寅醫術又遇異人授堪輿家言尤精其術人以疾求療及相地者無虛日盛伯瑄其先揚州人隨父宦遊華亭會中原道梗

良工象志卷之二

藝能

六

續編

身法書卷之二

從居同里性耿介寡與勤於問學爲詩務出己意
不喜與人賡酬善以子平之術推人貴賤貧富壽
夭累著奇驗安貧樂道壽終於家

糜仲康於醫最深內經諸書唐宋以來名家之所
論辨皆能鉤摘幽隱切脉治病有十全之效子宗
伯能詩章善墨梅醫術益顯

周孟堅世以醫名同里迨孟堅尤精其術所試輒
效知縣王迪雅重其爲人名其堂曰恒心成化中
人太醫院後歸自京師聲譽益振時又有蔣士能